

Hringbrautarverkefnið staða framkvæmda og fréttir af verkefninu

- Uppsteypu meðferðarkjarnans miðar vel áfram
- Niðurstaða útboðs vegna sorp og línflutningskerfi
- Jarðvinnuútboð á rannsóknahúsi - útboðsgögn
- NLSH flytur starfsemi sína á Alaskareitinn
- Aðalfundur NLSH – ný stjórn kosinn og Erling Ásgeirssyni þakkað fyrir góð störf í þágu félagsins

Uppsteypu meðferðarkjarnans miðar vel áfram



Snjallnemar koma að góðum notum í uppsteypunni



Veðrið lék við hvern sinn fingur þegar Eysteinn Einarsson staðarverkfræðingur NLSH og Ásgeir Baldur Böðvarsson frá verkeftirliti EFLU verkfræðistofu voru í úttekt á framkvæmdasvæðinu

Uppsteypuverkefnið á nýjum meðferðarkjarna er að ganga vel, en aðalverktaki uppsteypu verksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppslátt og járnabendingu undirstaðna. Einnig er áfram unnið við þrif á klöpp og þriflagssteypur en sú vinna fer að klárást fljótlega. Samhliða þessu stendur yfir vinna við jarðskaut og á næstunni hefst svo vinna við fyllingar og lagnir og botnplötu“, segir Eysteinn Einarsson staðarverkfræðingur hjá NLSH.



Vel gengur í uppsteypuverkefninu enda hefur viðrað vel að undanförnu




Yfirlitsmynd, grunnur meðferðarkjarna, í mörg horn að líta

Eykt er aðalverktaki uppsteypunnar og er í samstarfi við Steypustöðina ehf.

„Við erum ennþá að steypa undirstöðurnar, það er gríðarlega stórt verkefni og gengur vel. Það hafa verið tíðar ferðir frá okkur undanfarnar vikur. Samtals hafa farið um 4300 rúmmetrar af steypu og af því eru 2500 rúmmetrar bara í undirstöðurnar“ segir Kai Westphal framkvæmdastjóri Steypu, framleiðslu og dreifingar hjá Steypustöðinni.

„Eins og fram hefur komið fylgjumst við vel með hitaþróun með aðstoð snjallnema sem staðsettir eru í miðri steypunni. Við höfum tileinkað okkur þessa nýjung til að fylgjast með steypunni og þetta er að gefast vel,“ segir Kai.

Niðurstaða útboðs vegna sorp og línflutningskerfi



Tilkynnt hefur verið um val á sorp og línflutningskerfi fyrir nýjan spítala. Bjóðendum í sorp- og línflutningskerfi hefur verið tilkynnt að valið hafi verið tilboð frá sánska framleiðandanum Envac.

Ingólfur Þórisson sviðsstjóri þróunarsviðs NLSH: „Kerfin eru tvö, annað fyrir lín og hitt fyrir sorp. Þau flytja sorp og lín eftir rörakerfi frá deildum og raða þeim í viðeigandi gáma og flutningsgrindur í sérbyggðu húsi. Sorpkerfið tekur við þremur algengustu tegundum sorps, þ.e. almennu sorpi, plasti og pappír og flokkar í gáma. Kerfi frá Envac eru uppsett í mörgum löndum og víða á sjúkrahúsum. Má þar nefna sem dæmi St. Olavs sjúkrahúsið í Þrándheimi, Akershus sjúkrahúsið í Oslo, Södersjukhuset í Stokkhólmi og NICD sjúkrahúsið í Singapore. Kostnaður við kerfin er metinn á um 770 milljónir án vsk.

Jarðvinnuútboð á rannsóknahúsi – útboðsgögn



Signy Stefánsdóttir verkefnastjóri á hönnunarsviði NLSH

NLSH mun innan skamms auglýsa útboð jarðvinnu fyrir nýtt rannsóknahús.

Auglýst verður í rafrænu útboðskerfi Ríkiskaupa, <https://tendsign.is/> á öllu EES svæðinu en einnig mun auglýsing birtast í íslenskum blöðum laugardaginn 15. maí. Verkefnið er að grafa grunn fyrir nýju rannsóknahúsi á suðurhluta lóðarinnar við Hringbraut. Til verksins heyrir vinna við undirbúning uppgrafrarins í húsgrunni svo sem rif á malbikuðu bílastæði, rif á gasgeymsluskyli, förgun lagna og rafstrengja.

Vænst er þess að verkinu verði að fullu lokið í desember á þessu ári.


„Það er ánægjulegt að það sé komið að þessu og undirbúningsvinna rannsóknahússins hefur gengið að óskum, en það styttist í að byggingarnefndarteikningar liggi fyrir“ segir Signý Stefánsdóttir verkefnastjóri á hönnunarsviði NLSH.

NLSH flytur starfsemi sína á Alaskareit




Ný skrifstofuaðstaða NLSH á Alaskareit við jaðar grunns meðferðarkjarna

Starfsemi NLSH mun flytja frá Skúlagötu á Alaskareit í maímánuði. Verið er að ganga frá glæsilegri skrifstofuaðstöðu sem verður í gómaeiningum á tveimur hæðum.



Efsta rýmið í nýju skrifstofubyggingu NLSH



Gott útsýni er yfir framkvæmdasvæðið frá efstu hæð nýrrar skrifstofubyggингar, séð til norðurs að gamla spítala

„bað hefur verið í mörg horn að líta við þennan undirbúning við að koma upp þessari aðstöðu og við hlökkum til að flytja því bað verður mjög handhægt að vera svo nærrí framkvæmdasvæðinu. Hér á vinnubúðasvæðinu er búið að ganga frá flestum lausum endum og starfsemi hér er komin á fulla ferð“, segir Steinar Þór Bachmann verkefnastjóri rekstrar hjá NLSH.



Steinar Þór Bachmann, verkefnastjóri rekstrar hjá NLSH, tekur við húsbúnaði í nýjar skrifstofur NLSH



Yfirlitsmynd, skrifstofuaðstaða starfsmanna NLSH

Aðalfundur NLSH – ný stjórn kosinn og Erling Ásgeirssyni þakkað fyrir góð störf í þágu félagsins



Erling Ásgeirsson, fráfarandi stjórnarformaður NLSH og Gunnar Svavarsson framkvæmdastjóri NLSH

Aðalfundur Nýs Landspítala ohf. var haldinn 29. apríl. Lögð var fram skýrsla stjórnar og ársreikningar félagsins á árinu 2020. Erling Ásgeirsson lét af stjórnarformennsku í félaginu eftir fimm ára setu. Erling þakkaði fyrir skemmtileg og gefandi ár í hans formennskutíð og óskaði öllum heilla í komandi verkefnum.

Finnur Árnason kemur nýr inn í stjórn sem stjórnarformaður en auk hans sitja í stjórn Dagný Brynjólfssdóttir og Sigurður H. Helgason.

Finnur Árnason, "ég þakka traustið sem mér er sýnt og þakka Erling Ásgeirssyni fyrir hans störf og ég mun fylgja eftir þeim leiðarlínum sem hann hefur markað að eiga farsælt samstarf við stjórn, ráðuneyti, stýrihóp, starfsmenn og aðra hagaðila. Það er eftirvænting til staðar varðandi þau verkefni sem eru fram undan hjá NLSH", segir Finnur.




Stjórn NLSH: Finnur Árnason, Dagný Brynjólfssdóttir og Sigurður H. Helgason



Nýr stjórnarformaður kynnir sér stöðu framkvæmda í vorblíðunni,
Ásbjörn Jónsson, sviðsstjóri framkvæmdasviðs NLSH, Finnur Árnason stjórnarformaður NLSH og Gunnar
Svavarsson framkvæmdastjóri NLSH

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanh@landspitali.is og frá Háskóla Íslands Björn Gíslason 896 0876 bgisla@hi.is